

溧陽縣續志卷十

人物志

忠節

舊志忠節紀邑人筮仕他邦死於官守者若退歸林下殉庚申之難仍列於忠義云

羅綸字子木明諸生闖寇躡北都大學士張煌言起義師江上綸挾策上謁煌言以其年少負奇氣有清河李萼之目欲留治戎幕以父老辭既族父蘇章引之參鄭成功軍成功江甯之敗綸涕泣遮說固請成功無遽去不得迺奉父而北將從煌言蕪湖猝與大兵遇以死衛父格鬪踰時矢集鎧如蝟墮水得生父竟被縛去綸展轉閩南思出奇計救父而久不得耗嘔血幾死復投煌言煌言勉以立功為報仇計遂相依不去卒於懸壘同

溧陽縣續志

卷十

人物志 忠節

日被執死附葬西湖之南屏同治四年祀昭忠祠

從張蒼水

文集及南疆釋史補

施道彬字恕菴署廣東海豐縣丞駐汕尾循聲隆隆然進階比知縣咸豐四年會匪顏良倡亂彬出俸募丁壯晝夜守禦賊至乘夜擊之斬級無算賊遁去會鄰匪蠡至勢不敵堅守待援凡二十日以衣飾易米鹽餉士援絕食盡公服坐堂皇飲鳩以待垂沒書數札與友訣有官階雖判尊卑臣節無分大小語總督葉某巡撫柏某聞於

朝卹之如例廕雲騎尉世職

史書勳字敬之國子監生江西試用縣丞咸豐五年奉



檄協防義甯州城五月九日晨粵寇至書勳守東門寇自西門掘地施礮城遂陷寇蝮上書勳督守兵巷戰力竭死之奏卹如例

沈錫慶縣學生六品藍翎安徽候補縣丞咸豐八年署廬州府經歷粵寇攻廬錫慶督鄉兵守城破罵賊死得卹如例廕雲騎尉世職

狄融初名榮袞字公一道光己亥舉人咸豐四年以知縣揀發安徽奉檄治民團備寇融躬詣各鄉相要隘爲之防設斥堠置巡艇陸讐水慄民以大安六年署懷甯縣事七年調五河五河旱飛蝗蔽野融至禱於神甘澍立霈易歉爲豐振興書院增膏火以養士聽斷尤勤隨

到隨結無經宿者或干以私呵斥不少假書吏帖然八年正月署合肥二月五河陷尋復以士民請融再署五河時捻逆穴臨淮距五河一舍五河故無城又邇賊巢融激厲士卒守半載有奇卒以賊眾復陷融巷戰死九月二十七日也子元任字生甫在籍聞耗徒步襆被往時荆棘滿道賊踪充斥晝伏夜行卒得父屍以歸巡撫翁同書以

聞贈知府銜卹賞祭葬如例廕雲騎尉世職

周錫璜字笠湖縣學生少穎悟讀書過目成誦爲文雄偉英挺不屑時尚以是不得第援例爲府同知分發安徽咸豐己未賊氛徧皖南北巡撫翁同書駐定遠錫璜



單騎上謁陳戰守方略同書淡器之檄助守定遠晝夜  
巡防不少怠城陷巷戰死事

聞祀陣亡地方昭忠祠卹贈如例子霽諸生襲雲騎尉世  
職

史冊字竹傳府學生以未入流分發浙江咸豐九年投  
効袁甲三營隨富珠隆額克復清江追賊至倉家集遇  
伏陣亡袁甲三奏

聞贈主簿銜廕雲騎尉世職

繆梓字南卿一字碧崖甃溪里人道光戊子舉於鄉以  
大挑官浙江知縣歷署仙居奉化晉府同知咸豐二年  
豐工決口力舉海運之議全漕達 京倉奉

溧陽縣續志

卷十

人物志 忠節

三

旨以知府用補甯波府知府上海劉麗川叛奉檄赴東汶督  
軍上海城復賞孔雀翎六年粵賊石達開陷江西窺浙  
疆梓督軍赴衢駐常山八年春賊襲衢梓與戰城下破  
之圍解敘功加按察使銜十年二月十九日南陵賊眾  
陷武康乘我不備間道入杭梓倉卒應敵士卒少堅守  
待外援大雨浹旬火器不得發再戰再不利迺移軍雲  
居山當賊衝合治內濠又雨甚不得就二十七日黎明  
賊掘地道猝發城崩數丈各軍皆潰梓率親從十餘人  
陷陣殺賊身被數十創足折始仆將軍瑞昌以死事狀  
聞奉

旨照道員例議卹會浙江巡撫王有齡劾梓株守致禍奪卹



典同治元年杭紹紳民邵燮元趙之謙等訴於都察院  
經浙閩總督左宗棠覆奏賞還卹典照按察使例從優  
議卹贈太常寺卿給騎都尉世職死事地方暨本籍並  
建專祠

予諡武烈

詔國史館立傳

史鴻儀字仲卿浙江候補鹽大使咸豐十年二月城陷  
罵賊死得卹如例廕雲騎尉世職

孫廷儁縣學生以從九品試用浙江咸豐八年檄佐甯  
防糧臺九年晉府經歷提督周天培又檄辦甯防兵米  
十年八月甯郡陷巷戰死與廷儁共事者餘杭盛堃溧

溧陽縣續志

卷十

人物志 忠節

四

陽孫逢源王吉生蔣茂等並死之

狄玉麟廣東候補知府因籌防積勞病故同治四年署  
兩廣總督瑞某奏

聞追贈道銜

姜淦浙江稅課大使補用知縣委辦糧臺十年杭州城  
陷死之同治四年浙江巡撫馬新貽奏

聞得卹如例

彭覺同治四年署甘肅正甯縣典史五年正甯困於逆  
回覺守禦者一載有奇糧盡援絕不少怠六年十月六  
日賊乘霧蟻附以登城遂陷覺躬督民團短兵搏戰身  
被重創飛騎返廨中與母于妻狄次子敬臣及二女同



時墜井死陝甘總督穆圖善以覺一門殉節告得卹如例

楊炳華字子瀛咸豐辛酉中順天榜舉人同治五年以知縣揀發甘肅七年署合水縣事時逆回壁董志源去合水不一舍出沒不常炳華奉檄誓以死隻身之官籌戰守方略日召士民訓以大義皆效死無貳未幾城中糧盡所駐防武勝營且潰炳華迺罄所蓄以犒之士卒感激縋城殊死鬪得賊則割肉和草食之以救死四月十二日黎明賊大至環城數匝攻益急炳華督軍遏之賊屢上屢却卒以無援至夜半賊蟻附上炳華反坐堂皇賊縱火炳華磨刀砍賊賊攢刺之躍入火中死僕李二亦罵賊以殉總督左宗棠聞于朝贈知府銜襲職建祠以李二附焉

謝兆球府學生陝西靖邊縣典史在任殉難得卹如例  
廕雲騎尉世職

謝兆霖縣學生陝西涇化縣典史擢甘肅候補知縣回逆之亂奉檄助守甯夏城陷殉難奉  
旨旌卹追贈知府銜

### 孝行

吳蘭秀康熙時人道光庚戌督學辛從益旌以孝德孚鄉額

丁子道乾隆時人廬墓二載嘉慶中知縣某旌以孝行



可風額兵燹後祠中匾額俱毀惟此四字獨存  
宋世奇乾隆時人家貧好學衣食不給偕弟力耕以養  
親母卒廬墓三年墓生異草一本百莖學政李煌旌以  
邑中名孝額

呂之英刲股療母乾隆三十九年督學彭元瑞獎以孝  
行可嘉額

王宏昭縣之東王村人弟順昭強有力爭鬪殺人縣令  
坐順昭罪旣伏矣宏昭謂之曰吾已有子爾新婚抵罪  
乏嗣無以慰父母明日覆訊改供我抵罪爾可釋順昭  
不忍再三勸之迺從縣令減其罪流甘肅兩當縣方宏  
昭之戍也其子明相甫八歲牽父衣而泣鄰里慨嘆乾

隆五十八年恩赦明相往戍所尋父中途大困匍匐乞  
食焚香籲天久之迺遇父子相持哭觀者如堵咸嘖嘖  
稱孝子云嘉慶元年大吏獎以孝義可風額

吳茂書嘉慶中知縣侯起元獎以孝感錫齡額

狄翔鴻字鑒遠嘉慶丁卯舉人道光三年授睢甯縣教  
諭性純篤父逸愚課以小學舉動偶乖卽指書詰之故  
自幼循循不敢踰禮父病膈奉湯藥衣不解帶雖命之  
休息常隱身簾幕間以伺嗣奉母之官過清江隨肩輿  
步行數十里時年已六十一矣知縣易含章擬舉孝廉  
方正翔鴻力辭其在睢甯也捐俸置歲修田增書院膏  
火歲饑籌賑懇懇不倦築隄濬陂民咸賴之長吏屢欲



舉其能以母老請終養歸著有四書約解三十卷敦閣堂課士草一卷

宋緒字菽田幼孤事節母張甚孝弱冠習舉子業試有司不售念終無以爲養遂依其戚彭某於楚中習各法之學通達政體以經術折獄聲譽四起一時名公卿如孫相國玉庭黎勤襄世埏盧敏肅坤林文忠則徐咸以禮羅致焉以襄辦漕務河工保州同知緒秉母教樂善好施羔雁所入與三郤共之知縣陳鴻壽旌以德被桑梓額蓋紀實也其他若尊經閣育嬰堂諸役皆緒爲之倡晚年篤嗜經史粹語格言手抄成帙著有思劬集偶存以子晉貴贈戶部侍郎祀鄉賢

溧陽縣續志

卷十

人物志 孝行

七

姜尊德字紀雲縣學生少失父事母沈至孝爲人端方正直道光元年知縣易含章擬舉孝廉方正尊德力辭知府羅某獎以孝廉可風額

張光貞事親盡孝父母相繼歿光貞廬墓左值夏雨谿澗水驟至墓旁深數尺光貞屹坐不動族人破扉負以出水退復廬如初道光五年旌

虞懷銘字永言幼喪父事母至孝母卒露處塋左道光八年旌

湯漢益母王卒廬墓三年道光甲辰知縣賈奉乾書額獎之

朱松林少孤躬耕養母母卒絕食三日廬墓三載道光



二十一年旌

李德章字炳文純孝性成母歿廬墓三年道光二十一年旌

杜文昇母卒廬墓三年道光中知縣丁在昂旌以春輝如在額

高國芳母卒廬墓三年道光中知府清某知縣周某並書額獎之

姚際春縣學生母陶性嚴峻暮年肢體不仁需人扶掖際春與妻沈弟妻閔更番奉侍每夕必臥牀下稍有聲息卽起侍立道光八年母卒旣免喪而哀不能忘逾年亦卒

溧陽縣續志

卷十

人物志 孝行

八

史遇伯九歲失恃及長娶陶氏私相謂曰有翁無姑終鮮家庭聚順之樂遂勸父續娶後母黃生一女凡衣食鮮美者必先黃女以悅翁姑意遇伯生四子無知祖母爲續娶者

殷詠詩字念劬事父母孝撫諸季尤篤愛曰此吾母所記憶也敢不加意乎年七十二無疾而終

姚榮壽父病痺榮壽不離左右飲饌必奉以進出入必負以行或勸之娶曰吾仰事無資焉能俯蓄倘不賢悔無及矣弟榮富旣長迺爲之娶以延宗祀

彭履達字子章親老家貧以教讀資養或讌集間有珍鮮必裹置袖中曰聊效陸績故事耳生平好陶孟詩著



有北林漫稿

羅卯生性孝與弟友愛母病割股和藥督學祁鶴藻獎以孝友可風額

錢恆溥父歿殯畢卽臥墓側謂弟曰汝在家侍母我在墓侍父無間寒暑者三年邑人王萃以其狀聞知縣張蓋至墓間禮之復爲請旌於

朝

張愛生父歿廬墓三年道光二十八年知縣蔡世佑書額獎之

施懿德剖心救父廬墓二年知縣楊某旌以孝行可垂額

溧陽縣續志

卷十

人物志 孝行

九

趙孝生事母蔣至孝母卒廬墓三年道光中知縣鄧秉乾旌以孝行可風額

王尊學父仲鉢患疽割股和藥迺間母張病又割股以進母卒廬墓時有白兔夕守廬外旦卽不見人以爲孝感教諭潘某書額獎之

王萃字介蕃一字薌堂府學生家居讀書終日危坐躬行實踐與物無忤人無賢愚莫不愛而敬之精韜鈴善擊刺不爲空疏無用之學父患癰瘕晨昏侍疾雖瑣屑事不假手婢僕嘗以意創爲便車如胡床可坐卧春秋佳日或臨山水或問親朋希父意所欲至抱置車上內外門闕皆闕中央手推以行徧歷遊覽以爲常父雖得



廢疾而優游頤養二十餘年婦孺無不知王孝子也咸豐中避寇陽羨荆宜新志列萃於寓賢偶焉託躅身去各留爲時推重如此賊陷溧陽謀舉兵恢復不果憤懣卒同治間祀忠孝弟襄字贊堂孝友性成振貧好施家以中落時有王氏二難之稱

狄瀼字沆之府學生事母馬至孝咸豐庚申粵匪據縣城復竄掠四鄉時馬年八十三命瀼遠避瀼不忍頃刻離賊至劫其母瀼左右擁護賊殺之并殺其母妻王子學澄出救同時被害

周殿颺字文元國子監生父克讓爲人誠篤咸豐十年三月賊四出焚掠克讓曰吾年七十餘視死如歸汝兄

溧陽縣續志

卷十

人物志 孝行

十

弟速去殿颺與弟謀曰均逃不可均留亦不可汝攜幼弱遠避我獨侍父賊至索財帛克讓大罵遇害殿颺出賊不意刺殺一賊羣賊舉刃亂砍而死

錢金城縣學生性至孝幼喪父母抱沉疴金城割股療之愈事兄敬愛兼盡城陷賊脅之降不從遂遇害

芮謨勛國子監生幼孤事母孝嘗割股療疾賊至負母逃不及母子同遇害

錢漢英戴埠人父早卒兄弟四人事母殷以孝聞咸豐庚申城陷殷以年老不願他徙漢英泣求不聽爰以妻子屬兄弟遠避已獨留侍七月十七日賊至橫索刃刺其母漢英左右護持手足俱傷賊去母斃悲痛欲絕鄰



人憐之爲之藁葬漢英傷重匍匐往墓側日夜哭泣遂  
餓死

陳庭貞爲里中耆宿事親孝嘗割股療父疾賊至投水  
死

葛汝林明東區人自幼知孝父母疾顛天割股友愛兄  
弟終身無間言咸豐十年三月遇賊於官山死之

史錫林字聽松監生性至孝母病日侍湯藥不離左右  
賊至將殺之以母病乞哀卒遇害又有楊煜黃坤皆少  
孤事母以孝聞賊脅煜降不從縛於樹臨之以兵煜歷  
數其罪賊砍之破腦死子兆舉槐舉姪茂榮同死坤負  
母奔避賊傷其母坤執鉏殺數賊力竭中槍死

狄大同傭書養母母歿既葬每晚負書几往墓所周以  
席身宿其中三年遂得濕疾以是不起同治十一年旌  
錢錫慶父歿殯堰西村去家十餘里每於日入後潛臥  
墓側將曙至塾訓童蒙人無知者同學友陳鼐廉得之  
始相傳說同治十一年旌

施文炳縣學生幼循謹爲父母所愛家貧無力從師思  
得一衿以悅親心遂晝夜攻苦伊唔不輟及遊庠父母  
已歿言之輒流涕不時展墓拜跪呼號見者感動以篤  
行稱之同治十一年旌

談述賢幼失怙母戴病割股嘗糞母歿廬墓側督學彭  
久餘旌以錫類垂型額



王志商幼嗜書會粵逆之亂棄學力田以養父母同治元年賊執其父志商泣救願以身代賊義而釋之母病刲股遂愈二年賊脅之去志商嘆曰從賊而舍親不如死賊殺之時張先亨亦以救父被戕並同治十三年旌史廷祐崧杰子天性孝友幼失恃哀毀逾成人稍長事父盡孝飲食躬親父患肺癰廷祐衣不解帶目不交睫刲股和藥以進月餘父卒廷祐痛不欲生水漿不入口者數日旋以毀卒光緒十七年旌

刲股非孝古人論之詳矣然當親病危急之時藥之不效禱之不應習聞人肉可療之說忍痛剝膚雖死無憾非篤於至性而能然乎故舊志悉載之今仍其例惟年

代事實難於詳敘彙而書之可以勸孝若史驥光強于有強殿魁強欽儒縣學生芮正昌王德封王用正皆爲父母丁利忠強兆堯強正和陳啓南強興聲王士人宋文杏王辛甲王沛豐強天賦強國魯湯曰林湯登廩生鄒軍王聽高王由高王俊儒王宗享皆爲父蔣成喜丁利榮湯樹德丁貞麟李從慶李近春繆芳榮繆高煥強興本彭疇謝鴻磐徐仲祥史澤楨史光盛史泮芹史從茂陳應貞強允佑王荆忠芮相康阮鳳竹阮勝山史開杞王映林強邦經強允球劉茂元強智貢王文雲王克方王懋熙王伯甯王功德貢生王簡李亦炳普運文府學生唐繼從九董雲卿王仁文章錫元朱官鴻錢岐龍



皆爲母宗肇鴻爲繼母強正恩爲伯湯學勝爲伯母彭則啟爲叔母

### 義行

呂匡相縣學生乾隆中倡修竹簣橋改木爲石行旅便之並疏濬河道以興水利時人勒碑紀其事

姚康禮家貧務農季弟某幼過村塾聞書聲慕之跪康禮前願就傅康禮喜其有志遂令從師己傭工以贍之弟感激發憤不數年遊庠康禮乾隆時人

錢廷美忠信仁厚與友人夜行遇盜聞其名相戒勿犯陳是金字七賢同知銜人品端方樂善好施勸止地方賭博宰牛爲鄉里推重嘉慶十九年歲饑宗族多貧困

## 溧陽縣續志

### 卷十

人物志

義行

十三

是金出粟以賑知縣陳鴻壽獎以誼篤本支額

葛莊雷縣學生嘉慶十九年旱竭力助賑又倡建石閘伏染兩圖水利賴之

沈詮附貢生戴耀奎國子監生嘉慶甲戌大旱均輸粟助賑沈詮議敘四品頂戴知縣陳鴻壽獎沈詮萬金捐濟額戴耀奎好善不倦額

呂武國子監生嘉慶乙亥春輸粟賑正讚兩圖知縣陳鴻壽獎以善周桑梓額復助貲濬河時人勒石記其事狄鯉登字荆門縣學生孝友性成義行夙著道光六年溧陽講堂圯鯉登倡捐修之士之貧者鄉會試苦無貲復以五百金爲之助又立義學酌給膏火激勸之江南



貢院久失修上漏下溼試者不堪其苦鯉登請於大吏檄各州縣捐貲助役庀材鳩工皆鯉登經理之往返金陵兩閱歲而始竣至其培養人材推獎寒峻出於至誠同縣彭中立經術湛深尤精於易登嘉慶甲子副榜不娶無子延主其家課子姪輩凡二十年歿復爲之立嗣承祧不以存亡異也繼請沈清渠練居講席時練爲諸生以里中逋賦事株連入獄鯉登爲職橐餽而左右之既率同學懇於督學湯文端金釧遂得直練以道光辛巳捷南闈第二官新安教諭歿祀名宦祠繆南卿梓髫齡失怙恃孤苦無依行歌於市鯉登見而奇之攜歸教養命與諸子執經清渠門愛逾諸子梓以道光戊子捷

南闈第五官浙江鹽運使諡武烈論者謂排難之仁相士之識殆兼之矣卒年六十五祀忠義孝弟祠

姚鴻緒字豫軒年十二喪父弟繼緒僅四齡母陸氏苦節撫孤鴻緒貧不能讀力田供菽水然延師課弟讀甚勤至竭蹶營脩脯無所恡每成一菘令繕寫數分遍謁名宿之門而請質焉一時長老咸重其孝友繼緒登嘉慶己卯賢書以大挑官浙江奉母之任鴻緒歲往省視襆被至署蕭然一室而和氣愉色常盡母懽心居鄉閉戶讀書爲人排解言出人服不善之行愧爲所聞晚以次子光字官浙就養署中卒年七十五鴻緒淡泊肫誠胸懷坦豁境無逼塞處之泰然不習舉子業而博觀史



籍器識宏通鄉邑中有疑事恆咨訪焉

史士益議敘從九品族有貧困捐資撫慰親戚孤露一體收養橋梁要道設法修補人有爭訟必親往勸止嘉慶己卯大旱士益倡捐濬湖凡二十五里湖田數萬畝賴以成熟道光壬午再淤再濬癸未水復賑本區之饑者全活甚眾

周階平字鏡湖嘉慶乙丑進士官河南柘城縣知縣以治行卓異擢陳州府通判丁母憂歸遂不復出居家篤於族婣賙卹不倦建宗祠修祭器立社倉設義學日以親遜和睦之道訓迪子姓近百餘年同姓無訟於官者卽其爲政可知矣善科舉文有盛名於時又妙達音律

溧陽縣續志

卷十

人物志 義行

十五

此在鏡湖爲末菘矣

陸文瑜武生嘉慶甲戌輸粟賑貧知縣陳鴻壽獎以品端行優額

史愈能字文達國子監生幼讀書有志躬行不屑屑舉業及壯賙卹親黨勸誘鄉里慕王彥方之爲人排難解紛一鄉無爭訟者知縣鄧秉乾獎以一鄉稱善額舉鄉飲大賓

方禹甸字岳齡國子監生生平見義必爲嫁孤女歸旅櫬路拾錢帖糧券伺失者還之人稱長者

徐子壽從九品慷慨好施興義倉設棺會道光庚子辛丑饑賑穀百餘石己酉水又賑穀二百餘石自琅圩至



楊莊路長七里獨力修葺行者賴之

狄垓字南溪少以孝友聞好讀書屢不得志於有司遂棄舉業援例授布政司理問助軍餉加五品銜凡邑有大興作若大成殿尊經閣節孝祠之役靡不倡捐巨貲躬董其役縣爲水陸之衝間有溺水及路斃者奸民每挾之以傾良善垓倡立同仁堂官予之票而收瘞之刁風始戢粵匪平子克仁清理遺產踵成其事至今不衰史蔚字仲繡縣學生精醫學數爲藥以施貧者貧者延之率徒步歲饑賑之無吝色年八十餘臨歿遺命以城中屋兩所助入大宗祠爲族人試寓以田百餘畝入小宗祠立義學及婦之寡而無依者

錢勣字仲襄武生鄭埠里人道光庚子辛丑水患游臻勣出米六百石助賑施粥明年春厰資匱又助穀三百石知縣鄧秉乾獎以任卹高風額年八十二重游泮水督學辛從益獎以泮藻重香額子行如侃如能繼父志於宗祠多善舉鄉里稱之

趙文玉慷慨好施周急濟貧如恐不及道光乙未出粟賑饑嘗謂范文正公置負郭常稔田千畝以贍族人吾愧無其力耳乃以田百畝助本祠義倉以備凶年族人感其義勒石以紀之

沈雲峰國子監生性慷慨縣有義舉踴躍倡先道光間東壩被掘邑成巨浸捐千金堵築并疊次助賑動以千



計知縣蔡維新獎以樂善好施額姪楚望字漢臣歲貢生博學能文尤精醫術聞貧者病不速而往輒奏奇效性豪爽不飾邊幅雖好酒使氣面斥人過無怨之者張履宸字槐卿府增生品學端方爲鄉里所矜式自奉儉約而好施予道光庚子辛丑間歷遭水患履宸偕弟均銘暨姪邦琛捐助錢穀前後以數千計聲明不邀獎敘又出資倡興同仁會至今賴之

陸書峻武生慷慨樂善亦於庚辛兩年竭力賑濟知縣鄧秉乾並獎以好善不倦額

許璿字黼堂道光二十一年水災倡捐鉅資設粥賑飢里人至今稱之

溧陽縣續志

卷十

人物志 義行

十七

曹承謙字益堂縣學生嗜學好義如訂正邑志請建忠義孝悌祠咸任其役性慈惠賑貧窮恤孤寡如恐不及至今鄉人猶稱述之

彭若星字伯景弱冠補縣學生有葛世明者死不能葬旣厚賻之復養其母俾無失所其他義舉多類此

張廷愷蔣玉坤道光二十九年縣大水均傾囊助賑知縣蔡世佑獎廷愷義行可嘉額玉坤誼敦桑梓額

劉承渙性好學至髦不倦謹然諾明節義鄉里欽其賢咸豐庚申粵匪入境承渙屹坐書室其孫天際掖之行不可賊至厲聲曰爾等讀也可作善士耕也可作良民何故不作天壤間好人而甘入賊黨耶賊服其義抱慚



而出時年八十有五

楊暉字野芴援例報捐鹽大使粵逆之亂避難江北者道殣相望漕督吳棠檄裏下河州縣留養溧陽難民飢疲老弱艱於跋涉暉備舟車一一躬送之安置得所全活無算溧陽旣復暉董理善後尤井井大吏器其材保知縣需次安徽卒

狄鈺字璞園太學生性寬和與物無迕尤好施與親族貧乏就食於家者恆十餘人每遇年節踵門稱貸之人屢滿於戶一一如願以予並不責償從兄鯉登議集尊經閣欸項以資士子鄉會試費鈺先捐銀二百兩以爲倡庚子辛丑間連遭水患捐鉅資助賑己酉被水所捐

尤鉅前後共以數千計疊蒙獎敘子學蘇邑廩生保訓導急公好義有父風同治初邑侯趙秉鎔延董善後清糧諸局務與楊暉等和衷協力不避辛勞輿論允洽光緒十八年溧邑被旱籌賑出力江蘇布政使鄧給溫拯梓桑額獎之